

雕

菰

集

雕菰集卷四

江都焦循著

春日新晴

雨歇楊橋後春從晴處加  
元駒歸砌穴黃犢臥檐牙  
燕捉風中絮魚吞水上花  
飴簫聲喚過窗外夕陽斜

己亥金陵道中

紛紜蝠燕競如何只有秋光極目多  
水向客船飛白馬山迎人面點青螺  
六朝故蹟千年在百里寒江半日過  
一枕西風吹入鬢曉來壯氣幾消磨

九日

此日宜持吏部螯吾家賸得是牢騷人非陶令何須菊  
詩勝劉郎不在糕兩岸風聲催塢葉一天霜影醉溪毛  
藥爐茶竈蕭條甚枯坐頻將短髻搔

姚仁和百歲

誰訝雞窠事未真村中已有百年身能譚三世以前事  
不見少時相與人短髻插花猶帶黑布袍補線却安貧  
竹簍到處春風暖坊表宜邀 帝澤新

戊申元旦

絲雞蠟燕俗相仍備物吾家笑未曾老去梅花多似叟  
薤殘柳樹半成僧經綸嬾話晁家令風采誰摹張季鷹

兩甕屠蘇十日醉醅醕也博酒徒稱

訪鍾保岐

懷

離羣何自滌疵瑕訪友城闔夕照斜滿案亂書同我癖  
迎門秋柳識君家信知著作身堪等須趁頭顱髻未華  
爲問鏗鏗說經語可能分與伏虔車

荅詩

鍾懷

久欽著述足三餘未許登龍轉恨如前日幸來張霸  
宅有人取去茂陵書一瓶饋後還應速十艇將時望  
豈虛若得石倉窺祕奧焚香濯露閉門居

舟行

江南又秋矣來此亦何依仰聽百帆嘯眠看兩岸飛蕭  
蕭客中髻淅淅肩上衣啓窗望山色夕陽淋翠微

題攝山僧寺壁

所爲本雞肋來斯意益枯石留雲影靜松護月痕孤豈  
尙繫凡念殊堪息病軀佛龕燈火碧長坐對檐飈

哭顧超宗

翹首徒然問太虛思君幾次淚沾裾一生辛苦但謀口  
半死沈吟猶讀書果是奚囊病昌谷恨無遺頌出相如  
早知才大嬰天妒也臥湖濱作老漁

十年相處作交游死後丰神想處留傲物每張青白眼

蒼顏時作稻梁謀更無讜論來雙耳尙有譏言到九幽  
自是衆人皆欲殺而今猶未愜心不

與尸兩世尤堪痛白髮衰親正倚門半榻殘燈橫病骨  
一湖寒水隔秋魂縱然命蹇何應死說到名傳豈易言  
郭有道碑吾不愧文章今且爲君論

寄阮芸臺孝廉

人生不易聚相念爲多疎四五年前面三千里外書期  
頤山上鯉富貴水中苴努力事傳述此堪比太虛

江邨二首寄城中諸子

舊橐攜來兩卷經江邨聊自寄吾形風催帆月流窗白

雨帶山煙入硯青  
畫永只聞羣雀語  
林深時有片雲停  
年來益老漁樵性  
愛傍幽閒自醉醒

橋竹林花絕市塵  
又因坐靜覺情生  
大江來去舟何定  
良友別離杯獨擎  
屋上鳩聲愁夜雨  
梁間燕子愛新晴  
幾時共買平山棹  
盡取詩人一一評

嘔血

病魅何爲忽我侵  
丹霞冉冉出胸襟  
爲多轆轤猶難死  
別有膏肓尙未鍼  
不見項癭成左癖  
幾人身痿作書淫  
山妻對此休驚怪  
紙上徧爛吐到今

答朱休臣

從來杜母重知名慚愧齊竽逐隊行  
狗曲怒嘗逢博士龍頭句敢壓彌明  
聞雞野店君先舞種樹重堂我未成  
莫道珠光爲科目秀才胸次有蒼生

原作

朱士彥

租驢博士鎮相逢被酒何人識乃公  
坐擁百城胸列宿行吟七字氣成虹  
大兒文舉今安在老子韓非傳許同  
璧社蚌珠知有意相期攜手鳳池東

內人三十

鴻萊風味可追尋聊向秋花酒共斟  
七八年來忘我困三千卷裏託君心

內人賣釵珥買書百餘種綠葵紫萼勞烹飪布襪



棉裘費剪紆爲笑良人多賤骨不妨姑效白頭吟

### 秋居

田事已半畢秋居知適然豆稀遙見兔柳落靜聞蟬爽  
氣開睂宇閒心生暮天自甘陶令拙才效子雲元

### 枯坐

枯坐識物理吾知豈有涯鳥飛窗閃日魚上水生花勞  
瘁覺仕路清虛憶道家聖人難謬托吾自繫匏瓜

### 董子祠

時兩淮鹽院  
董公椿新修

薨瓦碧參差巍巍董相祠學超三傳外鬼辨六朝時幔  
古飛仙蝠廊空穴細紙昨聞檄修葺遠邇慕經師

琴

吟到無聲處心平指亦柔  
舉頭窗滿月傾耳室生秋  
至味詎難得俗懷終遠不  
鄰人發深省獨起坐寒樓

老將

百戰功成後將軍已白頭  
袒衣觀箭迹把酒話兵謀  
塞骨悲同伴山碑聽永留  
封侯少年志疎雨灞橋秋

贈邱縣劉松嵐明府

忘盡宰官身風流賀季真  
詩情山石瘦人意水雲春  
值此太平世皆爲堯舜民  
無容效龔遂談笑卽經綸

秋暮

秋暮日半落暝光上竹亭蕭疎風後葉明滅雨中螢獨  
坐向階砌冥思得性靈五年斷杯酒今夜覺初醒

雞鳴寺

山頂結伽藍登臨性所耽一湖低檻北萬竈疊窗南鬼  
嘯臺邊石僧眠閣外龕鐘聲鳴不住日影下煙嵐

大疫室人幾死弟復感之不寐作此

壺內三更盡胸中百感消劍寒謀殺鬼樹落怯鳴梟仗  
酒謝愁鬱攤書作寂寥連朝陰雨溼倚壁坐秋宵

追詠九日二首

九日過不覺於茲已二旬茱萸空入藥雞犬自成春病

骨幸能健荒年豈獨貧  
醉醒皆野馬無酒亦何嗔  
歲死逢陽九唐虞固值之  
疫深驚夜哭穫少慮春飢  
案有書堪讀胸知命不移  
桓家本無故焉用入山爲

幽居二首

幽居怯拜迎獨處正怡情  
對雨琴聲暗看花酒念生簷  
光尙殘臘詩思欲新晴  
漫道隨時樂非眞卽好名  
病後惟嗜靜閒中亦廢經  
佃農知候雨兒女競譚星  
細鳥無端聚垂楊有意青  
學疎焉足用未敢志公廷

露筋祠

曉開八閘鋪莫宿露筋祠  
此去二千里離家十二時  
冰

聲過船激燈影出林遲高臥待春色小邨霜滿茨

汜水

秦郵過未了汜水石堤邊湖鳥下寒堡村龍吠夜船苦  
吟得新句微醉覓高眠爲不離鄉慣縈縈客夢牽

漁溝

漁溝三十里南望隔河濱埃影出寒樹車聲入暮塵平  
原任馳目陰壑未知春道上多豪客揚鞭不問人

陰平

曉入陰平道行行正早春度溪鞭馬急計里讀碑頻舊  
俗憶鄒魯荒墳辨漢秦嶧山過不盡日影落寒津

西旺

四圍山色裏小道入東昌碎石鋪爲屋枯苗疊作牀戰  
風燈影亂回夢柝聲長布被眠方穩驢車催又忙

長山途中寒食

細雨密濛濛斜從撲面風不堪寒食節況又客途中草  
襯新墳碧花攢遠埃紅青州明日到酹酒奠喬公

謂樗友

同作

孫韶

七度逢寒食勞勞總客中人行滄海右夢繞大江東  
珂馬蕭蕭雨春衣側側風小山桃杏在應傷故窗紅

青州五首

卷四  
駝山高入海雲中地轄三齊本自雄古治墓寒春草瘦  
蒲姑城晚夕陽紅千年遺事餘鴻爪萬里浮光到馬瞳  
昨夜老楸花下宿夢魂何處覓愚公

丞相園亭鎖院西雲門山色遶成隄苔階木老龍蛇臥  
石洞煙深鼠雀迷國有名儒平衆議家多令嗣與人齊  
白羊青草渾閒事舊話傳來共品題

籬下何人肯寄居停車再拜趙公廬牧之自不宗長慶  
康樂真能創永初此日河淮流正合當年蠻觸戰無餘  
寫神刻骨俱千古太息談龍一卷書

偃師奇士老經生葵莧蕭條駐此城北里頓消淫女曲

南牆誰買合君名指揮渤海翻波色談笑牛山落葉聲  
我爲懷人尋往事范公祠外祝鳩鳴

顏監文章脈未刪掄才喜值趙閑閑靈虵珠老俱仍網  
赤豹春深盡露斑客夢昨縈金嶺鎮車塵遙望穆陵關  
壯游明日蓬萊去又與仙人共往還

登州雜詩四首

車驅千里外地極九州東平朔月痕見當頭斗柄中風  
聲喧日夜蜃氣出青紅欲拜田橫客淒淒墓草叢  
海氣作寒煙登州四月天大魚鮮人骨高樹綠猶拳夜  
火烏狐成腥風黑虎泉三更人語叙坐擁舊青氊



地僻濱於海民風益見聞喪冠常日戴僵骨早年焚婦  
女都能織生徒半善文當年轅博士詩教有餘薰  
聞道蓬萊上金銀舊有臺白雲仙市合黑豆賈帆來嶼  
色連朝霧濤聲走迅雷登臨一憑眺搔首獨徘徊

江定甫贈刀作詩酬之

孟勞聲裏見霜鋒練影森森出數重有客丁寧休鍛鶴  
幾年辛苦學雕龍武城雞擾傳良吏渤海牛眠羨老農  
我乏瓊瑤酬未得敝裘羸馬鎮相從

荅詩

江安

南州無夢入中宵折盡歸心客思遙持贈意無文瓊

隱善藏語愧漆園超百金我豈勞裝飾七字君真費  
鑿瑤篴裏寒芒飛去後却添麗句勝瓊瑤

### 寒亭

千里黃腫路寒亭兩度過封疆判齊紀爭戰始澆戈樹  
起風中嘯沙翻月下波登臺覓碑石撫字一摩挲

芸臺學使招同馬秋藥比部徐惕菴太守顏運生  
教授孫蓮水江定甫兩文學小滄浪亭雅集

渤海方歸日明湖復見招荻肥船路狹柳靜馬聲遙卷  
幔心愈闊看山酒易消漁洋佳會地風味至今饒

勝地至已熟茲來實過常詩圖堪效呂序稿合鐫王自

愧秋蠅附眞教夢鹿忘還家話晨夕盛事耀江鄉

半城

飯罷青駝寺行行宿半城石危窮馬力谷邃滿車聲遠  
樹藏村店官墩紀客程抵家期可計山月伴三更

紅葉

老杜休吟玉露凋閒看紅葉過紅橋轉因霜信添濃臆  
誰爲秋山破寂寥牆角又迷春後眼江頭時趁晚來潮  
衰年庾信悲搖落到此文章色倍饒

蟹舍漁莊小徑通寒山如火欲燒空桃源隱約溪光外  
雅墨分明夕照中何到殘秋纔炫目不妨幾日又驚風

盈虛無定憑天地一度飄零一度紅

### 落葉

高勢不可住紛紛辭故枝委形修竹裏回首落花時  
鶴脰朝留響蟲窠冷挂絲隔溪蕭寺外有客動秋思

### 西湖四首

清波門外曉曦紅路轉幽蹊一綫通野鴿乍飛仙塔隙  
寒虯遙吠殯宮叢好探小李臨摹本還憶髯蘇濬築功  
行過六橋煙柳畔湖光山色總空濛

稽首焚香滿市蹊三天竺寺禮菩提樓觀面面山無縫  
泉出津津地有臍彎角殘磚隋創造嚴要老石宋鐫題

此間聞達翰先路欲向煙蘿帶月躋

文瀾高閣接天衢澹澹春風繞四隅屋外鐘聲隨巷曲  
簾前苔色著衣無行從樹杪山俱見坐對藤陰鳥不呼  
萬卷琳琅堪借讀客中未與故鄉殊

幾處高峯隔亂雲西泠橋下碧波分梅花十畝彌陀宅  
柏樹千章宰相墳石骨似蠶叢遠鹿櫓聲如雁入殘曛  
太平喜逐登臨樂管領湖山仗使君

雪後泛舟

錢塘新雪後放棹人空濛山水連天白樓臺出樹紅寒  
光動羣鷺暝色逐孤篷橋畔林逋墓年年向晚風

生日有作

半生何事可追尋  
亂緒難教繫寸陰  
竟日笑歌良友誼  
他鄉起臥老親心  
寒山無意隨春綠  
旅雁多聲入夜沈  
不效文泉作文家  
囊中賸有伯牙琴

和詩

汪光燾

宛委藏書迹可尋  
游踪天許到山陰  
六星却應文昌

宿

二月三日爲文昌神  
誕日里堂適與同日

萬卷能傳博士心  
略比坡仙

記紗縠不徒詹尹問  
升沈客窗相對誰  
知己只有松

弦舊館琴

里堂善鼓琴  
宗松弦館譜

從芸臺學使按試紹興和學使呈諸友原韻

昨佐論文魯道回之江又聽角聲催自慚鐵硯空磨盡  
且喜雲山飽看來已信冰心作山立敢將枯眼隔紗開  
鄞中二萬稱先覺授受從知有異才

送人歸東吳

錢塘東渡幾聯牀君見飛花忽憶鄉風雨一春寒客夢  
湖山千里重詩囊鐘聲隱隱吳城近帆影悠悠越水長  
八月重來共秋禊海神祠外晚潮涼

湖州弔吳園次太守

尋蘇之後見先生魚鳥江湖老性情百畝蒲蓮鄰赤岸  
三年冠蓋客烏程

先生以康熙四  
年守湖七年罷道場山遠浮秋舫墨

妙亭空弔晚鶯賴有詩詞著遺迹故園回首鍛煙橫

舟宿富陽和蔣竹塘孝廉

調韻

新詩吟罷筆無停此地先生憶昔經遠水下如心脈脈  
秋山疎共髮星星三更夢短潮催急一里舟連火露青  
明日鷺絲灘上去江流多少喚人醒

七里瀨登子陵釣臺

夾岸曉煙開清晨泛棹來嶂隨舟尾合波讓石根回纜  
影爭飛鳥灘聲覺遠雷雪泥誰有跡惆悵子陵臺

出七里瀨行建德道中

十里出嚴瀨高寬見地天水奔當石立山遠入窗全回



望但煙霧遙詢得市廛黃昏大羊鋪燈火百家連

過蘭谿至蘿菴灘

曉發蘭谿邑灘流淺若斯寸途移病歷衆力嘯狂鴟利  
涉見來者畏難呼左之誰家樂秋穫確齒聽遲遲

過帽頭灘至龍游

潭深舟力通此際樂無窮野塔亂帆白枯山分樹紅間  
心寄灘鷺暝色帶秋虹爲念親身健搖搖短夢中

人日立春汪比部對琴先生

棣

會郡中諸老輩賦

詩屬余步韻

綠楊春接兩家宜吹到晴光澹碧滋華髮正簪諸子勝

草堂已滿故人詩幾年憔悴慚佳節前輩風流稱盛時  
四海融融開壽域更誰甘學病支離

丁巳十二月立春前一日小集李冠三

周南寸草

齋中同詠者十三人

竟日泥鉛槧不如擎酒杯友朋懷新舊歲月怒遲回寸  
草齋方葺寒梅花正開有懷分動息誰剪北山萊

快園雅集詩

廿年困行役慚附人仙羣譚藝各心得問名皆昔聞古  
今存勝地聚散感浮雲奮爲主人醉蒼蒼曙色分

秋夕晚靜閣聽琴

琴聲在高閣秋弦生孤春傾聽亦饒客幽寂如無人叢  
蕉戰紅栗老梧成碧鄰隔窗罷碁局爭念非天真

題吳縣孫蔚堂花南老屋填詞圖并懷李尙之

昔日秦淮水三年異淺深花南老詞客秋邸獨相尋示  
我讀書處有人同素心尙之近多故莫對作哀吟

歲乙卯熊桂卿邀同人於塔影園爲文酒之會今  
三年矣桂卿復修前事人倍於昔而舊日同人  
則沒者與未至者居其半分牋牘管感慨係之  
卽以寄凌三仲子

塔影湖光竝宛然浮生何境不雲煙頓從譚笑生悲思

轉爲交游勝昔年宿草誰澆當席酒鯉魚聊寄隔江箋  
遙思仲子宣城署獨把秋豪著太元

楊都尉

大壯

移鎮安慶有書來作此以荅

手種村邊木冬來綠更深幾時踐前約居此共高吟著  
述儒生業功名壯士心朝廷方重寄未許入山林

足痺

生平不食蕨何故足攣如人道昔元晏嘗因痿著書懺  
躬糾過切擁被人思徐莫向村鄰說衰親老病餘

燕磯阻風

幾日石尤風蕭蕭蘆荻叢揚州在何處愁望白波中游

興昨猶動歸心客盡同誰能如燕子飛到蜀岡東

同作

葉覲廷

燕子磯邊泊檣鳥一望中無端三日住猶幸幾人同  
高嶺銜西日空江卷北風游蹤隨地轉漫道不如蓬

辛酉元旦登吳山第一峯

今年第一日來登第一峯春光何地早客興此時濃風  
協卜秋熟浪恬銷海烽吾家世耕讀願作太平農

和詩

李銳

吳山最高處杖策試登臨活水自空闊浮雲成古今  
與君一載別同抱百年心展卷殷勤讀深情寄短吟

顧廣圻

景物憑詩寫江天本畫成深情生遠眺雅抱在躬耕  
憐我今爲客頻年住此城定持登覽意又閱一春晴

陳鴻壽

絕頂捫蘿上君眞弟一流胸中春自滿天際客同游  
寒雨殘年盡晴煙曉郭浮東西覽湖海別有最高樓

羅永符

直上三千級同游六七人雲開滄海日香透古梅春  
臘雪殘年盡晴光早歲新會當費蠟屐一躡謝公塵

許珩

不知春意早臨眺自欣然湖海來新色風光隔舊年  
豪情千嶂上詩思百花前我亦頻登覽輸君一日先

阮亭

直上吳山頂誰爲弟一流歲知殘臘盡人喜最高游  
眼底春如海空中日滿樓今年詩思早梅放百花頭  
題范賜湖廣文松下采菊圖

東閣梅初放金陵草正芳一官從昔冷三徑豈全荒  
有詩書讀心同古木長和光開霽月皎志烈清霜把酒  
學彭澤結亭追道鄉隨時怡性命無事決行藏短髻侵  
秋老疎巾覺露涼何人識幽意繪此境蒼蒼

王江涇

十里王江汎當年有戰塵將軍方殺賊宰相已讒人落  
月平橋夜開花野市春可憐戚少保猶要媚廷臣

登雞鳴埭歸舟自蓮花橋步至地樓與兒子廷琥

聯句得十韻

纔過雞鳴埭還來上地樓子塔雲行漸逼徑竹轉偏幽

琥叢木夕陽晚遠巒孤寺秋子到門鐘正永拂檻霧初

收琥坐久不忍去愛深忘別游子此真絕囂俗誰信在

城陬琥結伴得佳興同汪張諸君思親生舊愁己亥隨先人游此子

地形今始識風景昔應留琥茶舍坐茅屋歸途乘小舟



子  
家家燈火出人影聚橋頭璠

送汪孝嬰之六安

君勢未可住驢車催客程才爲一月聚又作六安行握手更何日著書難獨成寸懷言不盡相對且無聲

同孫蓮水游龍井遂至理安寺

數載杭州客初來看石泓閣前雙澗合樹杪一湖明跡數遙村虎煙寒古壁鐫問僧最幽處指點越山行路從峯頂下山在樹中寒見寺人修竹過橋分澆瀉石邊樵語細霜後茗花殘更結何時約同來坐翠巒

題安定書院壁

千里歸來乍息肩，敝裘猶帶武林煙。韶光廿載眞虛過，

學舍三間且醉眠。窗外寒枝增幻影，

子王寅有題舍壁詩云：驚人似鬼窗

前夢中亡友認當年。

舊時同舍生顧超宗，團香山王東山，今俱已下世。

霜花滿

地雞鳴夜，回首何人懶著鞭。

張古愚太守

敦仁

招同趙味辛司馬、何蘭士太守

孫淵如觀察暨江子屏、汪孝嬰、李濱石雨中泛

湖夕飲於倚虹園

冷雨侵人未減歡。一舟來往興無端。豈緣太守襟懷放，  
只爲名流聚會難。自愧獨無珠在握，也來同喚酒頻乾。  
要知政簡庭無訟，莫當紅橋禊事看。

堰頭遇談階平

渡河已三日驅車到堰頭故人一相見聊慰客中愁夜  
語入殘夢春寒失敝裘此行意宜奮莫當作依劉

劉智廟

有序

廟中神問土人莫知誰何按晉志武帝時侍中平原劉  
智嘗改黃初術今廟所在正古平原地爲祀侍中無疑  
詩以表之

絕學人知少荒祠晉侍中若非名不朽何以祀無窮野  
店三更月征車五夜風史書誰徧讀乾象獨劉洪

任邱道中

任邱北去水成湖昨歲懷襄警  
帝都寺破靈神愁夜  
雨村墟老馬惑歸途喜看麥氣浮郊甸忍見鳩形集市  
衢共沐 聖朝天子德頻施饘粥勝醍醐

題闌中壁

壬戌三月十四日

兩髻蕭疎已欲霜才來京國學觀場文章未解趨風氣  
祿命惟知聽顛蒼夢裏歸心縈故里燈邊夜語集諸方  
卷簾已是三更後月影如金上棘牆

崇效寺看花

古刹稱幽僻閒來駐小車已過三月半才見一林花僧  
老面如木藤枯影作蛇登樓望郊麥翹首莫思家

同鄭柿里

兆珏

劉芙初

嗣綿

唐竹虛

鑒

汪珊樵

朝

補

游釣魚臺

古臺負幽致結伴出西城柳外遠山影駝邊春水聲風  
高宜席地興至亦飛觥座有能歌者暗鳴作劒鳴

贈別汪珊樵

同里復同志四十始相親離別在明日笑言止一春深  
情徵古誼醉語入天真此況不肯釋泱泱馬足塵

鄭州

春從鄭州過又向鄭州歸水溢市魚賤年荒官樹稀車  
聲愁遠道帽影逐斜暉尙未全雞德何年始息機

與朱椒堂月下聯句二首

木葉蕭蕭下

爲弼

官齋秋已深倚闌對寒月

循

聽角多

清音爾我同爲客

弼

行藏共此心誰人足千古

循

但感

歲華侵

弼

相聚亦無定

循

萍踪信所遭思家還久立

弼

論古欲長

號燈影短猶黑

循

雁聲鳴漸高傲霜殘菊在

弼

微醉鼓

餘豪

循

效四靈體

詩派應教重永嘉吟來春已到村家山溪暴長知融雪  
野草初生認種花日力且憑閒處惜虛名休向眼前誇

連朝社酒忘賓主扶醉歸來日未斜

吾無

吾無芻牧責水旱不須論農叟泣無食江湖喜到門嘉禾亦已沒隴畝尙知存莫管馮夷怒臨流看月痕

蟹

相習不知味只今方穆然猶之秋雨後却是荻花邊旅食懷千里還家又一年持螯誰吏部風尙合歸田

共放

小舟如一葉共放入村南無意逐煙水偶然來野菴滿天生雨意半日得僧談興盡速歸去閒游亦戒貪

汪孝嬰訪予湖中喜而有作

秋水久圍屋故人何處來  
隙蟲鳴未已籬豆正花開  
不覺遂三載相看且一杯  
馬嘶人欲去怪是夕陽催

今歲

今歲纔知此是家  
匆匆誰道惜年華  
蟹肥便結空中沫  
葵老猶開肆上花  
結習未能忘筆硯  
機心時許入煙霞  
汝墳豈爲閒民賦  
但笑周磐意太奢

百尺梧桐閣爲汪小魯作

有序

蛟門比部以百尺梧桐名閣  
荒廢售他姓久矣小魯之高祖  
適園孝廉與比部爲兄弟  
小魯今讀書處亦兩桐



甚修以昔名署之

年年看種樹幾處長風煙高閣豈殊昔雙桐正屹然達  
人知有後座客且無前變化誰能定長懷馬訟篇

鶯

從來多道爾果是聽來頻弄影恰宜柳鳴春解衙人門  
前芳草暗陌上女歌新野老怪多事殊堪見性真

郭公

豈無百夫長何用爾催耕未曙舌已瘁方春農不驚稻  
梁爭貴賤桑柘雜陰晴我願如農圃關心聽此聲

與汪孝嬰登泰州望海樓

泰州余至十三次今日登樓得共君屈指二十七年過  
盛衰生死如煙雲西望圖山青似髮東觀滄海淨無氛  
與君高唱皇華曲城外野田嘶馬羣

夕陽

共道夕陽好晚來晴更宜才明半灣水已上最高枝兩  
脚逐雲去虹頭飲澗遲人情知易厭不肯駐多時

湖村

湖村足棲止兩歲覺秋清霜肅葉還綠吟高鳥不驚競  
心緣病息衰髮逐秋生只願親身健年荒亦太平

惡竹

惡竹斬不盡今年生更多甚妨花入眼不見月成波亦  
有雲霄意其如鴈獬何又憐相蓄久自怨亦蹉跎

哭殤孫貴齡

比到童烏事亦虛眼前恨淚忍徐徐一家歡笑皆憑女  
幾日悲傷孰慰余況是老親扶病日不堪荒歲輟耕餘  
秋風燐火黃昏月望爾魂歸就我居

己巳仲秋楊竹廬都尉過半九書塾小飲明日作  
此乞和

喜迂高軒過水濱一年情事幾芳辰寒潭映月成雙壁  
老樹經霜作半人病骨嶙峋難縱酒秋天寥廓共垂綸

宵來又動迎詩興要學松陵互主賓

庚午九月三日竹廬都尉邀往誦芬莊看桂

都尉相招過水莊半天風雨近重陽心當閒後能多味  
花到秋深更有香白酒黃雞人共醉髩絲禪榻夢初長  
功名千古知誰識莫道狂夫似點狂

登雕菰樓有作

開窗但楊柳坐久身不知鷺起入煙盡牛鳴卽澗遲閒  
心變書史病骨識天時昔日張公子猶存千首詩

風雨破蕉葉作七言吟之

斜風猛雨夏成秋籬外芭蕉綠正抽一一上如官進級

絲絲解似刃屠牛豈因渭長彈文妒不爲山僧寫字留  
聞道太剛容易折如君神致本清柔

白菊

陶令東籬下幽香此未更態常惟避日開後欲銷爭葉  
葉得天意年年只自生聊將一樽酒坐對夜霜清

荅友人

病軀無賴豈逃名慚愧嵇康論養生籬下月無須貨買  
山中學必仗書行結菰爲筏供春犢種柳成衙待早鶯  
莫謂東西未能辨孤高原不似逢萌

閒吟

多事勞勞閱古今偶拋書卷學閒吟  
橫窗老竹間新竹喚曉春禽變夏禽  
好共農夫課晴雨不須詹尹卜升沈  
餘生又是三年過壁上無弦舊有琴

階下決明盛開偶得一律

翠羽金錢又幾年柴門寂寂閉朝煙  
那知小草曾如許得遇詩人亦偶然  
藉卉不從周僕射書名已謝李平泉  
杜陵老去神應在秋雨誰吟第一篇

坐

閉戶坐終日豈知情僞真跡間心有古  
地遠客無人亂石得生意野花成好春  
苦吟今不肯隨興傲東鄰

偶然

窮古鬱不得拋書向曲廊石紋隨雨見柳杪得秋強轉  
以榔聲靜因教午夢長偶然成小賦何用擬長楊

鷹

有爾便愁人平原不見春無情長作勢欲攫故藏身化  
育惟天地威嚴亦鬼神可憐凡燕雀肅羽向荒榛

塾中海棠自戊辰開後四五年不花癸酉春三月  
盛開光豔照人花老矣恐發洩太過明歲又將  
不花流連不已記之以詩

尙擁羊裘小檻邊燕支萬點恰當筵坐看春盡如殘臘

且喜花開勝舊年  
夜雨關心頻起早  
野桃生妬莫爭先  
同心只有丁香結  
慚愧霜毛欲墮顛

村居五首

交疎緣地僻俗巧亦天真  
酒待明年客橋行昨日人  
鼓聲村社晚帆影漕舟春  
偶爾登樓望知吾在水濱  
亭高春蕩漾廊淨月分明  
鳥習客猶近花疎雨亦輕  
撫弦忘舊曲翻史識稀名  
鄰里時來醉鰕魚可作羹

情性人爭怪年來未盡除  
禱神生病樹賣米益奇書  
果誘雛孫讀蔬分老婢鋤  
衣衾常不整謝僊更何如  
時時窮易理日日對名花  
思苦家人笑庭空衆鳥譁  
寸



陰憐白髮多病羨丹砂與義何年盡吾知亦有涯  
病已如皇甫元才效子雲簿書仍素志麋鹿豈同羣消  
息參時物辛勤述聖文唯憐陸魯望撫辨有誰聞

後村居五首

有序

友人謂余閒逸學陸魯望之爲人作前詩白之友人仍  
不喻復爲此詩

但習山中性村居異市城雨餘春尙在樹過月逾明徑  
表參差綠蛙更遠近聲門前諸亞旅報道已深耕  
豐歉隨天意無人且閉門晝長侵墨短風靜覺花噓食  
李笑陳仲登高讓伯昏讀書非外鑠何事不窺園

自以書成癖不因身病閒思融真得第義隱勝投艱風  
艇折如澗煙林遠當山放懷馳倦目頓爾破元關  
板牀終日坐修是十年秋綴石瘦於草種梧高過樓經  
才能不滯吟已若成囚幾欲告知已書緘又自收  
絕學共誰語方將怪我癡思經千度變故未一豪持曉  
月雞鳴候春燈鼠瞞時鬼神正來告此境少人知

王黃州以錦帶花名不雅馴改曰海仙余植數本  
今年盛開錦帶之名尙矣斥之爲俗未以爲然  
詩以解之

名貴真能勝海棠千秋知己未茫茫却看居士衫邊色

又道仙人海上妝短插竹籬扶燦爛

用淮南子細飛梅雨伴

潢洋

楚辭潢洋而不可帶王逸讀仄聲然太元淵潢洋包無方讀平

朝來正檢昭明集

書味花光雨不妨

### 哭鄭柿里舍人

不意凋零又見君初聞涕淚落紛紛空令趙壹思宣孟  
更有何休識伍員昏嫁未完兒女事丹黃空著漢唐文  
一尊遙向青冥酌愁問江東日暮雲

### 野外

攤書几上任縱橫策杖閒從野外行柳樹一年高一尺  
人家三世已三更夕陽黃葉蕭蕭下秋水烏篷緩緩撐

興到忽然思作吏欲將蘿薜易簪纓

僕素少交游邇年家處尤多疎闊昨歲聞武進臧  
上舍卒於京師今又接歛縣孝廉方正程先生  
訃愴然久之率成二首

臧上舍庸

同輩推君弟一流南樓別後遂千秋真人昔有徐無鬼  
儒行誰如許散愁只以詩書爲性命絕無城府在交游  
招魂欲到燕臺去幾度臨風淚未收

程孝廉方正瑤田

九十經師老伏生立言能令孔書明高糧辨後纔知稷

集四  
三  
磬折懸時果中衡俗眼自驚爲創論後人宜奉作先程  
春空靄靄春雲暖想見須睂物外情

放船一首丙子秋分日作

田苗爛盡水盈湖石外閒花興不孤紫辦疊開秋勺藥  
赤須倒捲山茨菇紙窗日入暑猶灼木榻蟲來夜有呼  
且自放船煙雨際好尋漁子話菰蘆

詠茄

酪酥嘉味滿秋畦爛煮登盤日未西座上無僧誰畏鼠  
山中有客且烹雞鄉風自昔鮭爲菜幻想何堪稻作齋  
莫怪田間多寂寞昆侖曾綴紫瓜題

製棺成詩以落之

生憎蠅蚋怕狐狸  
羸葬王孫亦過奇  
無分疆場依馬革  
何人江水學鴟夷  
瓜犀蔗節徒增慨  
白髮青山自有詩  
豈是司空能作達  
吾生如寄總如斯

至後

有序

自去歲以來未曾作詩  
偶有所興半月始成  
時戊寅十二月十八日

至後剛三日陽添幾髮  
程劬藤寬樹縛埽秫罷雞爭閑  
戶久無客吟詩半不成  
夜來風雨逼高枕聽寒更

己卯除夕枕上作

夢中親友未凋零笑語方溫夢又醒  
鬢雪半因陳籍白眼花時共遠山  
青烈風窗外鳴鴉鵲活火鎔邊煮  
朮苓且喜雛孫初學詠吟聲不與  
歲華停

開窗

開窗及清曉起坐碧軒東看雨飛  
天外招春人座中硯和催墨易梅  
老作花紅昨夜家書至慈親樂正  
融

雕菰集卷四終

雕菰集卷五

江都焦循著

古意

不願郎富貴願郎長在家郎富蓄姬妾郎貴游京華  
與雀角其飛雀善而我惡與稅爭其負稅強而我弱  
食豆不可生食瓜不可熟位置各有宜戒郎休反覆  
郎在洛陽城妾住長千里洛陽春多花花開結紅子

題畫

顰眉坐秋屋夫征何日復夢起驚夫歸急自施膏沐

新月和族兄子均韻



一似人生一二旬  
精英未顯匿煙濱  
自嘆青眼非如霧  
熟視偏將地問人

六合道中

曉辭六合趁清和  
遙迓江風入素羅  
十里垂楊青不斷  
車聲停處酒旗多

長干里

門巷無苔夕照斜  
紅樓扁處笑聲賒  
可知落葉秋風裏  
个个良人盡戀家

方景二公祠

衰經緋衣事不同  
各抒肝膽建奇忠  
而今煙雨蘭陵路

不見燕王見兩公

病起東顧超宗

半榻殘書晝影侵  
此身多分已成蟬  
病軀新起渾無意  
坐看落花飛小禽

歸來

硯田耕穫笑迂疎  
鎮日優游歲又除  
倉卒歸來驢背晚  
半山殘雪兩囊書

喜張萼樓

廷暉至

男兒不走萬里路  
何事得吟千首詩  
人世別離何足定  
逢君又是落花時

秋夜

秋夜長且清秋心淡且平三更燈欲暗風雨助潮聲  
坐

讀書坐秋夜夜永寒生席啓戶疑月光蟹飛半湖白

送羅養齋歸海州

昨日良朋去懷之已斷腸不堪重送客轉似自離鄉

莫愁湖

暮出西門行秋心亦秋水渺渺莫愁湖寂寞李公子

看碁

蠻觸爭持智各殫旁觀我色獨無難乃知人世爭榮辱

最妙身從局外看

聽曲

不慣溫柔久斷癡紅牙敲處亦相思筵前多是悲歌客  
只唱秋風易水辭

西子

黃金不鑄舞衣裳太息弓由烏盡藏豈是無情是無福  
風流消受只吳王

荀卿墓

凜凜龍門筆文章合孟荀可憐千古後猶念楚春申

歷下亭

浩浩明湖水蕭蕭歷下亭更吟秋柳句兩岸柳絲青

題王叔畦孝廉畫山水

亂竹枝宜斬枯林葉未皴欲教春意滿還問作圖人

題美人對鏡圖

采采幽蘭花曉起自粧靚深淺休問郎只問青銅鏡

章邱道中

又整征衣冒曉塵歷城東去古關津可知司馬墳前柳  
綠到車前已暮春

牛山

車塵十丈老孱顏髣髴飄蕭曉度關涕泗幾隨春絮落

又迎風雨過牛山

阮學使試登州畢邀游蓬萊閣望海市不得或舉  
蘇長公禱海神事因作此以解之

翠阜重樓本是空老泉居士信天窮日華五色誰迷目  
幻影無端入倦瞳

濰河

十丈風沙一丈波平明驅馬渡濰河來從東海神山上  
對此涓流又若何

小姑河

卽姑尤

黃縣東稱萊子國珠橋南接小姑河回頭風雪聊城夜

千里齊封兩月過

秦淮

秦淮秋水生逢君值秋夕對酒須豪歌同心不易獲

烏鎮

布衾如鐵睡難憑寂寂黃昏月未升一曲吳歌聲斷續  
女桑深處有疎燈

錢塘江

客懷何處寫澄空曉渡錢塘趁好風西望桃花東望海  
輕舟三五白波中

孝娥江

西望錢塘百里遙  
孝娥江口夜停橈  
青松鵲立白雲起  
鐵弩不鳴秋不潮

錢清江

十里炊煙樂太平  
熙熙何記有司名  
村龍不吠夜無吏  
盡取百錢官亦清

復過梁湖

面面層巒生遠煙  
梁湖春色更逾前  
沿溪樟樹葉俱落  
放徧一山紅杜鵑

古墓瘦藤懸老柏  
石橋流水激殘沙  
農夫閒立牯牛臥  
紅雪滿田開澱花



紹興試院夜興

中宵獨自倚簾櫳  
鎖院無聲萬籟空  
橋下清波漾春月  
散花如雪滿牆東

渡錢塘江望六和塔

昨夜春潮帶雨聽  
西興驛口畫船停  
曉來江上看西岸  
一塔獨紅山樹青

之衢州望家書不至

秋風吹起片帆馳  
曉送新涼上髻絲  
連夜夢魂顛倒甚  
思親未已又思兒

出衢州十里宿雞鳴山下

鹿鳴石室望不遠縱橫百船雙塔西衢州十月似八月  
蟋蟀夜鳴紅樹溪

定山

江流東轉向錢塘百丈蒼煙迸冷光船似蚍蜉任南北  
山靈曾憶沈東陽

白秋海棠

不解相思更可憐自甘岑寂已年年夜來微雨過幽閣  
秋月半牆人未眠

秋江曲

郎從江北行妾在江南住江上芙蓉花是妾停船處

一夜金風急千帆趁落暉妾欲乘風去聞郎幾日歸  
早看鴛鴦飛暮看鴛鴦宿鴛鴦有時飛鴛鴦有時宿

題女子郝王蟾畫

一女凭樓窗外楊柳十餘株一仙女行波浪中

長江千里夢曾經曉望江流去不停夫婿封侯在何日  
樓頭楊柳又青青

誑我休言河伯婦帶人真有洛川神我按空侯公莫渡  
煙波淼淼正愁人

題程左恬風木圖

秋雨秋風夜滿湖無邊落葉雁聲孤挑燈我正愁難寐  
又展君家風木圖

石門

松老橋邊春水痕  
羔羊塘外晚煙昏  
寒深二月青猶鎖  
十里枯桑過石門

西湖柳枝

兒家家住西湖西  
兒家門對蘇公隄  
虧得蘇公築隄好  
讓人栽柳讓鶯啼

茗花

不妨山茶三月豔  
却分嶺上早梅香  
此身本是霜爲魄  
那畏枝頭殺菽霜

題合歡蘭畫

誰寫合歡蘭爲作合歡句本爲君子交莫當青棠樹  
不信花枝若此開圖中描出費疑猜深林果是無人伴  
自吐幽芳自往來

竹柏樓

有序

吳中袁又愷廷禱生六歲而孤母韓哺之十五年不下  
樓君子稱其節焉

憶自良人沒傷心十五年年樓上月寒照一兒眠

白溝河荅濱石

停車且問酒如何休聽琵琶子夜歌繞岸青青萬行柳  
春風已渡白溝河

北征曲

吾家瀕湖構園宅宅外煙光水光白行來十日惟見山  
樹裏塵飛作湖色

題孟東郊詩集二首

時比喪侶猿忽疾看花馬一得一失間可憐孟東野  
東野詩則寒東野心則熱人心自有春何爲怨鷗鵂

壬戌五月晦日江文叔邀同汪晉蕃張開虞蔣春

榭袁又愷集康山草堂

穆穆清華堂坐久暑不知窗外一池水梧桐花滿枝  
枝上兩黃鸝飛飛桐樹西不知時已夏猶自向人啼

杭州雜詩有序

壬戌七月以阮撫軍之招復客武林至冬而歸理所作  
詩得絕句二十二首

百畝何堪兩月晴  
水車聲送客舟行  
塘棲一夜傾盆雨  
明日錢塘米價平

塘棲夜雨

送客樟亭首重分  
離江萬里接燕雲  
孤舟莫厭天涯遠  
白髮堂前正念君

送汪小竹之粵西

扁舟無賴逐飛鴉  
小睡方濃日又斜  
覺有餘香吹入夢

錢王祠外白荷花

錢王祠

摘句尋章苦未休  
諸生若个覓封侯  
軍書海上新來報

又斬妖狼四十頭

謝顧千里贈孫吳兵書

陰陰小雨到三更對影擎杯事不成豈是寒灰埋鏡魄

二分原在故鄉明

中秋無月

聚散無端悵水萍劉郎風骨自亭亭落花時節燕臺醉

十里松風又共聽

喜晤劉芙初

西陵驛口帆初出赤岸山頭木未摧若个要逢胥種怒

如霜一綫卷秋來

登吳山見潮

疎燈無燄泣寒蟲寂寂官齋小院東獨坐秋窗讀秋水

雨聲和葉下梧桐

夜坐

石楠聽雨憶霜晨款段騎來湖水濱佳話今年足登記



孤山秋訪二高人

訪李尚之臧在東

陶詩一卷尋常和醉臥柴桑我未能欲眺鍾彭上廬阜

吳山今日却慵登

九日

共訪青山學問禪修篁左右夾吟鞭放生池外鵝如雪

閒傍疎籬自在眠

與程竹菴顧鄭香游雲棲

去年到此著花落今歲來游花正開九處溪流萬竿竹

蒼苔樵路久徘徊

理安寺

才看潮上又潮還醉倚江樓夕照閒記得西陵泊船處

故人猶自識蕭山

江樓小酌

青青無奈曉霜何屈指春風幾度過階下苔痕正幽潔

怪他猶半戀枝柯

梧葉

話到蒼生念亦癡霜鋒解珮未嫌遲祖鞭自讓君先著

莫忘官齋夜話時

與朱椒堂夜話

自有東籬好樂羣無心也慕出山雲幾年浪許人間買

身價曾教到十分

見傷花村菊

積堂妙句櫟菴畫清極皆同百尺條莫要坐當秋雨後

一亭黃葉夜蕭蕭

題桐陰覓句圖

老榦扶疎圍潑屋清寒到底足盤桓荒園亦有梅花樹

歲暮看來學冷官

題繞屋梅花圖

惡竹應教斬萬竿騷人例作茱萸看雪屏真是知蘭者

只畫疎疎幾葉蘭

雪屏畫蘭

老作孝廉殊自愧四十得孫良可欣老母呼喚速歸去

煮酒烹豚告祖墳

得家書口占

車聲古道記春初幾日匆匆返舊廬今日訪君與君別

北新關外柳堪梳

別程沅香同年

青錢二百風一篷帶江船映江波紅帶到瓜洲解纜去

率然不見煙波中

帶江口號

### 寒食曲二首

寒食吹寒風不令花破萼非妒花易開爲惜花易落

寒食風兼雨冒雨添墓土楊葉聲蕭蕭楊花不堪舞

擬樂府

針線層層密嚴寒恐襲肌不思衣到日已是脫棉時

抱孫

寒天何事太匆忙鎮日攜孫趁夕陽若遇漢陽龐太守  
又將微意測任棠

戊辰之春塾中海棠盛開意有所觸率爲兩絕句  
賤日看來亦悟稀桃花人面尙嫌肥低頭只是嬌無力  
才遇東風便亂飛

三年依舊此花身不爲愁多減却春闌外胭脂開滿樹  
看花只少白頭人

高義

高義雲霄未易償囊中寶劍夜生光當時恨不籠鸚鵡  
隴樹年年喚二郎

決明

陰蟲竈底訴秋哀輾轉寒衾小夢回我有孤懷誰決得  
欲披風雨問花來

村居漫興五首

四月湖村澤草肥桔槔聲裏鷺絲飛日長犬臥柴門靜  
饁婦攜筐柳外歸

生長江淮不記年魚鰕爲飯水爲田頭衙署作魚蠻子

斜著蒹衫坐釣船

籬門風雨隔枯桑幾日人稱杜五郎昨夜夢中思薦士  
太平身世豈相忘

髀邊翠影秧連馬背上秋聲雨擊篷禾譜不呈蘇王局  
素經今讀陸龜蒙

病懶非關與世疎歸奇顧怪品何如往來偏不嫌孤寂  
半有溪農半老漁

偶書黃山谷蘇東坡事

仰面臥繩牀伸足闌楯外細雨息炎蒸生平無此快  
欲坐木末亭山高乏足力猛悟身所居如何歇不得

集五  
二  
曉起

偶然擎酒杯醉臥無甘苦曉起髻生涼方知夜來雨

不寐

不寐起枯坐秋天不肯曉大星來熒熒蛩聲在莎草

三月晦日效宋人詠牡丹

國色真如此羞子髻半蟠一叢過四十未許說花多

立春

雪晴今見曉瞰開影褪南檐弟幾階人道是春剛半日

分明青已上枝來

買菊

重陽風雨徧揚州買得秋花又一秋說是傲霜吾不信  
朝來籬下總垂頭

奉和楊竹廬都尉

一秋能得幾番晴野菊枝枝向日生趁此不從花下醉  
風風雨雨最淒清

贈漁父

煙水孤蘆一釣橫偶然相遇說平生姓名本未傳人世  
不用逢人變姓名

迎春柳

春歸無意與春迎簇簇金衣妒早鶯不似長亭送春絮



任風吹去作浮萍

觀村劇

桑柘陰濃鬧鼓笳是非身後屬誰家人人都道團圓好  
看到團圓日已斜

太平身世許清閒況是疎傭髻已斑爲笑羅洪先不達

狀元中後始歸山

是日演此劇

夏月階下小花數種相續開謝偶然成詠

錢兒葵

藕葉生方小榆莢青尙鬱莪莪階下葵亦道阿堵物

鐵線蓮

花開辦若蓮莖抽須似鐵不比鷓鴣枝風吹容易折

纏枝牡丹

蔓衍滿籬落嬌柔露痕曉纏向牡丹邊天香一枝小

水桂

惟有水木樨枝葉發奇秀蓑蓑白石旁深林匿遠岫

五月白菊

寒翠有本性何妨近煩熱不必到霜時似傲見晚節

金絲桃

鄴下黃須兒爾竟強哉矯鵲鳴衆芳歇鎗鎗出叢篠

紫玉簪

仙人函關來雲氣尙盈幘雖道折齒牙亦將五素易

凌霄

多文不自富依人上層級耐久顏不衰更染胭脂汁

小樓

秋花竹外見餘紅寂寂柴門念未空四面漁聲三面月  
小樓高臥似舟中

春寒二首

十載清明未去家又看插柳記年華連朝風雨寒如許  
留住梅花待杏花

已過春分未覺春寒風冷雨晝侵人偶然柳外黑雲活

白鳥一雙飛水濱

落花曲三首

片片吹來細雨中  
兒童恨欲訴東風  
美人老去成黃土  
花到明年却又紅

吾生豈有涯  
眼前足爲樂  
莫憐紅滿地  
尚有花未落  
人心自悲樂  
天時獨往來  
莫憐紅滿地  
尚有花未開

苔

簾外朝朝雨  
階前處處苔  
莫嫌春寂寞  
自有落花來

草

不借澆培力  
開花亦自春  
同爲天地育  
分別是何人

雞聲

雞聲催起獨徘徊屋角牽牛花正開幾點疎星半輪月  
晨光一片自東來

銀薇

洗淨胭脂別作神絲絲微帶一分春可知紅紫紛紛地  
中有香山白姓人

初夏雜詠

村老催我夢魂歸坐起開門但落暉忽有異香來鼻觀  
海桐花外野薔薇

斑鳩兩兩立牆東細草如茵襯落紅病不窺園剛幾日

筓尖高下綠叢中

雁來紅

秋窗雨過雁來時  
七尺珊瑚見一枝  
恐怕被人疑是莧  
拚將老血化胭脂

秋勺藥

瀟瀟昨夜響空階  
竹外紅薇送影來  
最好一叢秋勺藥  
不須沾雨便先開

乙亥春丁香海棠盛開喜羅養齋汪掌廷至

二月三月春風催  
紅花白花相間開  
蔣家三徑何嘗寂  
多謝羊求次第來

友人論史事作此示之

莫道宏恭讒休嫌石顯詬可知蕭望之曾殺韓延壽  
司徒笑銅臭不能免其子卓哉長安城與賊戰而死  
可憐馬子卿酒肆題詩句但知宇文周惟識齊王豫

啐啐

啐啐小犬吠門東緩步柴門曳短筇一路水聲帆影白  
收租船返月明中

夜來二首

夜來風雨聽樓東曉見晴光映日紅柳色漸深花漸滿  
草堂人坐燕聲中

又著新書半尺餘半春寂寂子雲居  
昨朝買得船如葉  
撐到花邊問老漁

芭蕉舒第四葉其畔罌粟鮮紅豔麗詩以當畫

朝暾初散滿天霞折脚鐺喧正煮茶  
坐看綠芭蕉葉畔  
一枝紅豔米囊花

薄暮坐紅薇翠竹亭望湖

時己卯十二月

寒煙渺渺欲黃昏猛見春光到華門  
疎柳夕陽帆影外  
淡紅遙帶一村村